

Izvještaj o radu Uprave policije MUP-a Kantona Sarajevo za mjesec decembar 2021. godine

KRIMINALITET

STATISTIČKI POKAZATELJI

U mjesecu decembru 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 438 događaja sa obilježjem krivičnog djela (devet ili 2% manje u odnosu na isti mjesec prethodne godine).

Od ukupno broja registrovanih događaja sa obilježjem krivičnog djela, 217 ili 49,5% je evidentirano po poznatom izvršiocu, a 221 ili 50,5% po nepoznatom izvršiocu.

Od ukupno 221. događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 70 ili 31,7% (što je za 0,1% manje u odnosu na uporedni mjesec) od čega je 20 evidentirano u mjesecu decembru, a 50 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 211 obavijesti (147 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU DECEMBRU 2021/20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
DECEMBAR 2021. GODINE	438	217	221	70	50	258	7	165	100
DECEMBAR 2020. GODINE	447	164	283	90	35	239	5	155	112
<i>uporedba</i>	-9	53	-62	-20	15	19	2	10	-12
	-2%	32,3%	-21,9%	-22,2%	42,9%	7,9%	40%	6,5%	-10,7%

U toku mjeseca decembra prijavljeno je 258 lica (19 više), 165 povratnika (10 više) ili 63,9% od ukupnog broja prijavljenih lica), sedam maloljetnika (dva više), a 100 lica je lišeno slobode (12 manje).

Za događaje sa obilježjem krivičnog djela, koji su evidentirani u mjesecu decembru 2021. godine, prema izjavama oštećenih lica, nastupila je materijalna šteta u ukupnom iznosu od 973.924,25 KM.

KZ FBiH-a i KZ BiH-a	DECEMBAR 2021.	DECEM BAR 2020.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv ustavnog poretka Federacije	1	0	1	---	1	0	0	---
Protiv života i tijela	24	17	7	41,2%	22	2	0	0%
Protiv slobode i prava čovjeka i građanina	43	25	18	72%	38	5	1	20%
Protiv spolne slobode i morala	0	2	-2	---	0	0	0	---
Protiv braka, porodice i mladeži	35	23	12	52,2%	35	0	0	---
Protiv zdravlja ljudi	25	35	-10	-28,6%	25	0	0	---
Protiv imovine	254	303	-49	-16,2%	46	208	68	32,7%
Protiv opće sigurnosti ljudi i imovine	10	16	-6	-37,5%	5	5	1	20%
Protiv sigurnosti javnog prometa	15	6	9	150%	15	0	0	---
Protiv pravosuđa	2	2	0	0%	1	1	0	0%
Protiv javnog reda i pravnog prometa	24	15	9	60%	24	0	0	---
Protiv podmićivanja i krivična djela protiv.	4	0	4	---	4	0	0	---
Protiv privrede i jedinstva tržišta te krivična djela iz oblasti carina (KZBiH)	0	1	-1	---	0	0	0	---
ZONDINOIM-a (Sl.novine KS br.01/18)	1	2	-1	-50%	1	0	0	---
UKUPNO	438	447	-9	-2%	217	221	70	31,7%

U mjesecu decembru 2021. godine u odnosu na isti mjesec prethodne godine, zabilježeno je smanjenje broja registrovanih događaja sa obilježjem krivičnog djela za devet ili 2%. Najznačajnije smanjenje zabilježeno je u oblastima protiv imovine (za 49 događaja) i zdravlja ljudi (za deset), dok je najznačajnije povećanje evidentirano u oblastima protiv slobode i prava čovjeka i građanina (za 18) i braka, porodice i mladeži (za 12 događaja).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom decembra 2021. godine evidentirana su 24 događaja sa obilježjem krivičnog djela iz oblasti protiv života i tijela (sedam više u odnosu na decembar 2020. godine) i to 22 po poznatom i dva po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) – dva,
- ubistvo u pokušaju (član 166. KZ FBiH u vezi člana 28.) - jedan,
- ubistvo u pomaganju (član 166. KZ FBiH u vezi člana 33.) - jedan,
- teška tjelesna ozljeda (član 172. KZ FBiH) – pet,
- lahka tjelesna ozljeda (član 173. KZ FBiH) – 14 i
- učestvovanje u tuči (član 174. KZ FBiH) – jedan događaj.

Nadležnom tužilaštvu podneseni su službeni izvještaji protiv 21. lica, od čega je osam povratnika ili 38,1%, a osam je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 43 događaja sa obilježjem krivičnog djela (18 više) i to: ugrožavanje sigurnosti – 42 i protupravno lišenje slobode – jedan događaj, za čije su izvršenje evidentirana 42 lica, od kojih je 28 povratnika (ili 66,7%), a tri su lišena slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu decembru evidentirano je 35 događaja sa obilježjem krivičnog djela (12 više) i to - nasilje u porodici – 32, trgovina ljudima, oduzimanje djeteta ili maloljetnika i zapuštanje djeteta ili maloljetnika – po jedan događaj, za čije izvršenje su prijavljena 34 lica, od kojih su 24 (ili 70,6%) povratnika, a 22 lica su lišena slobode.

PROTIV ZDRAVLJA LJUDI

Evidentirano je 25 događaja sa obilježjem krivičnog djela iz oblasti protiv zdravlja ljudi (deset manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – četiri,
- posjedovanje i omogućavanje uživanja opojnih droga (čl. 239. KZ FBiH) – 21 događaj.

Nadležnom tužilaštvu podneseni su službeni izvještaji protiv 24 lica, među kojima je 17 povratnika (ili 70,8%), a 12 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv četiri lica zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona Sarajevo, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 20 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU DECEMBRU 2021/20. GODINE

vrsta opojne droge	decembar 2021. godine	decembar 2020. godine
Marihuana (paketići)	3	69
Marihuana (u gramima)	3.851	1.229,606
Amfetamin (u gramima)	855	1.150,36
Amfetamin (paketići)	11,5	3
Ecstasy (tablete)	462	---
Speed (paketići)	1	14
Hašiš (u gramima)	20	---
Pribor sa ostacima droge	7	5

PROTIV IMOVINE

U ovom mjesecu, evidentirana su 254 događaja sa obilježjem krivičnog djela protiv imovine (46 po poznatom i 208 po nepoznatom izvršiocu) što je za 49 ili 16,2% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 98 (18 manje),
- krađa (član 286. KZ FBiH) – 86 (jedan manje),
- oštećenje tuđe stvari (član 293. KZ FBiH) – 27 (jedan manje),
- razbojništvo (član 289. KZ FBiH) – 21 (21 manje),
- utaja (član 290. KZ FBiH) - četiri (isto), itd.

Nadležnom tužilaštvu podneseni su službeni izvještaji protiv 70 lica, od kojih je 56 povratnika (ili 80%), a 27 je lišeno slobode.

Od ukupno 208 događaja evidentiranog po nepoznatom izvršiocu iz oblasti protiv imovine naknadno je rasvijetljeno 68 ili 32,7% što je za 2% više u odnosu na decembar 2020. godine.

Prema objektima izvršenja teških krađa, 34 su izvršene u stambenim objektima (25 manje), 24 u motorna vozila (otuđenja motornih vozila i "provale" u ista) (jedna manje), 23 u poslovne prostorije (pet manje), osam na ulici (četiri više), itd.

U mjesecu decembru, evidentirano je jedno otuđenje motornog vozila, kao i pronalazak i vraćanje jednog vozila, otuđenog u ranijem periodu. Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv tri lica.

Broj otuđenih motornih vozila, u odnosu na uporedni mjesec, smanjen je za šest ili 85,7%.

Evidentirano je 86 događaja sa obilježjem krivičnog djela krađe (jedan manje) i to u poslovnim prostorijama – 23 puta, na ulici - 24, u stambenim objektima - 17, u vozilima i na stajalištima GRAS-a - 15, u ugostiteljskim objektima - tri, itd. odakle su otuđivani novčanici, mobiteli, prehrambeni proizvodi, auto dijelovi, itd.

Evidentirano je pet događaja sa obilježjem krivičnog djela teških krađa na naročito opasan ili naročito drzak način (šest manje), u kojima su izvršiocu, upotrebom fizičke snage (otimanjem i trganjem) - tri puta i verbalnom prijetnjom u dva slučaja, otimali mobitele, novac i tašne, a evidentirani su: tri puta na ulici, u apoteci i prodavnici - jedan. Nadležnom tužilaštvu podneseni su službeni izvještaji protiv dva lica, povratnika koja su lišena slobode.

U mjesecu decembru ove godine evidentiran je 21. događaj (19 po poznatom i dva po nepoznatom izvršiocu) sa obilježjem krivičnog djela razbojništva (21 manje). Nadležnom tužilaštvu podneseni su izvještaji protiv devet lica, od kojih je osam povratnika ili 88,9%, a osam je lišeno slobode.

Od ukupno 19 događaja razbojništva evidentiranih po nepoznatom izvršiocu, naknadno je rasvijetljeno 14 događaja ili 73,7% (što je za 37,8% više u odnosu na uporedni mjesec).

Razbojništva su izvršena prijetnjom upotrebe vatrenog oružja - devet puta, prijetnjom upotrebe noža ili drugog oštrog predmeta – deset i upotrebom fizičke snage – dva puta, a počinjena su u poslovnim prostorijama – devet puta, na ulici – sedam, u sportskim kladionicama - tri i u stambenim objektima - dva. Otuđivan je novac, mobiteli, prijenosni računari, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirano je deset događaja (šest manje) i to: - izazivanje opće opasnosti – šest, nesavjesno čuvanje pasa i drugih opasnih životinja i teška krivična djela protiv opće sigurnosti ljudi i imovine – po dva događaja, a nadležnom tužilaštvu podneseni službeni izvještaji protiv pet lica, od kojih su dva povratnika, a jedno je lišeno slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru – pet puta i u poslovnom prostoru – jedan, pri čemu je u jednom slučaju upotrijebljeno vatreno oružje i pet puta je otvorenim plamenom izazvan požar. Posljedice izvršenja navedenih događaja su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirana su 24 događaja sa obilježjem krivičnog djela (devet više) i to: nasilničko ponašanje - 11, nedozvoljeno držanje oružja ili eksplozivnih materija i krivotvorenje isprave – po četiri, napad na službenu osobu u vršenju poslova sigurnosti – tri, sprječavanje službene osobe u vršenju službene radnje i ovjeravanje neistinitog sadržaja - po jedan događaj.

Nadležnom tužilaštvu podneseni su službeni izvještaji protiv 36 lica od kojih je 17 povratnika (ili 47,2%), a 17 je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu decembru 2021. godine evidentirano je pet događaja sa obilježjem krivičnog djela, u kojima je učestvovalo sedam maloljetnih lica. U odnosu na isti mjesec 2020. godine povećan je broj maloljetnih lica za dva ili 40%, a broj događaja sa obilježjem krivičnog djela smanjen za jedan ili 16,7%. Prijavljeni maloljetnici su u dobi od 14 do 16 godina – tri i od 16 do 18 godina – četiri.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU DECEMBRU 2021/2020. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
DECEMBAR 2021. GODINE	5	7
DECEMBAR 2020. GODINE	6	5
uporedba	-1 ili 16,7%	+2 ili 40%

Događaji sa obilježjem krivičnog djela u kojima su učestvovala maloljetna lica, evidentirani su u:

- II PU – jedan događaj (nasilničko ponašanje),
- V PU – četiri događaja (nasilničko ponašanje – dva, oštećenje tuđe stvari i teška djela protiv opće sigurnosti ljudi i imovine – po jedan događaj).

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU DECEMBRU 2021/2020. GODINE

događaji sa obilježjem krivičnog djela (KZ FBiH)	decembar 2021	decembar 2020.
Lahka tjelesna ozljeda	---	1
Oštećenje tuđe stvari	1	---
Spolni odnošaj sa djetetom	---	1
Nasilje u porodici	---	1
Teška krađa	---	1
Teška krađa na naročito drzak i opasan način	---	1
Razbojništvo	---	1
teška djela protiv opće sigurnosti ljudi i imovine	1	---
Nasilničko ponašanje	3	---
ukupno	5	6

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca decembra 2021. godine na području Kantona Sarajevo nije bilo evidentiranih događaja aktiviranja minsko-eksplozivnih sredstava (četiri u decembru 2020. godine).

U toku mjeseca decembra 2021. godine evidentirana je jedna anonimna dojava o postavljenoj eksplozivnoj napravi, a akon KDZ pregleda utvrđeno je da je dojava bila lažna.

POŽARI

Tokom mjeseca decembra 2021. godine, na području Kantona Sarajevo registrovano je 18 požara (devet manje u odnosu na isti mjesec prethodne godine), koji su za posljedicu imali materijalnu štetu. Prema statističkim pokazateljima, pet požara je izazvano zbog tehničkih nedostataka, dva namjerno, dok uzroci 11 požara spadaju u kategoriju ostalih.

Požari su registrovani u:

- Saobraćajnom sredstvu - devet puta,
- Stambenim objektima - šest,
- Poslovnim prostorima - dva,
- Pomoćnom objektu - jednom.

Zbog izazivanja požara nadležnom tužilaštvu podneseno je devet službenih izvještaja: pet iz člana 323 KZ FBiH (izazivanje opće opasnosti) i četiri iz člana 301 KZ FBiH (paljevina).

SAMOUBISTVA

U mjesecu decembru 2021. godine na području Kantona Sarajevo registrovana su dva samoubistva (dva manje), koja su izvršena vješanjem, a izvršioци su dvije osobe ženskog spola starosne dobi: 22. i 52. godine.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je devet pištolja, jedna puška, jedan nož, jedna ručna bomba, 8.208 komada petardi, 33 komada municije različitog kalibra i dva predmeta podobna za nanošenje tjelesnih ozljeda.

U mjesecu decembru ove godine fizičkim licima izdato je 141. odobrenje za nabavku vatrenog oružja i 202 oružna lista.

JAVNI RED I MIR

U toku mjeseca decembra 2021. godine u oblasti protiv javnog reda i mira evidentirano je 446 prekršaja (2536 ili 85% manje u odnosu na isti mjesec 2020. godine), za čije izvršenje je prijavljeno 467 lica (2549 ili 84,5% manje), od čega je 161 povratnik u činjenju prekršaja.

Zbog učinjenih prekršaja u oblasti protiv javnog reda i mira izdata su 374 naloga i podnesena su 72 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 428 prekršaja (ili 96%), a na prekršaje koji su utvrđeni Odlukom općinskih vijeća o javnom redu i miru 18 (ili 4%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (195), između 26 i 35 godina (182) i između 19 i 25 godina (90).

Prilikom narušavanja javnog reda i mira u mjesecu decembru 2021. godine, nije bilo teže povrijeđenih lica (isto kao u decembru 2020. godine), dok je sedam lica (dva više) lakše povrijeđeno.

U toku mjeseca decembra 2021. godine, u odnosu na isti mjesec 2020. godine u svim Policijskim stanicama evidentirano je smanjenje prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEK DECEMBAR 2021/2020.GODINA

STRUKTURA PREKRŠAJA	decembar 2021.	decembar 2020.	+ - %
UKUPNO prekršajnih naloga i zahtjeva za ppp	446	2.982	-2536 ili 85%
UKUPNO lica	467	3.016	-2549 ili 84,5%
Prekršaji prema Zakonu o prekršajima protiv JRiM:	428	2.949	-2521 ili 85,5%
<i>-Tuče</i>	28	29	-1 ili 3,4%
<i>-Naročito drsko ponašanje</i>	35	36	-1 ili 2,8%
<i>-Odbijanje naređenja i omalovažavanje pol. služb.</i>	26	278	-252 ili 90,6%
<i>-Prosjačenje</i>	258	46	+212 ili 460,9%
<i>-Svađa, vika, nepristojno ponašanje</i>	10	14	-4 ili 28,6%
<i>-Paljenje petardi</i>	9	10	-1 ili 10%
<i>-Neovlaštena upotreba oružja</i>	---	---	---
<i>-Ostali prekršaji</i>	62	2.536	-2474 ili 97,5%
Prekršaji prema Odluci OV o JRiM	18	33	-15 ili 45,4%

Iz tabelarnog pregleda vidljivo je, da je tokom mjeseca decembra 2021. godine, u odnosu na decembar prethodne godine prema strukturi prekršaja povećan broj prosjačenja za 212 ili 460,9%; dok je smanjen broj:

- ostalih prekršaja za 2474 ili 97,5%,
- odbijanje naređenja i omalovažavanje policijskih službenika za 252 ili 90,6%,
- prekršaja koji su regulisani Odlukom općinskih vijeća za 15 ili 45,4%,
- svađa, vika, nepristojno ponašanje za četiri ili 28,6%;
- paljenje petardi za jedan ili 10%,
- tuča za jedan ili 3,4% i
- naročito drskog ponašanja za jedan ili 2,8%.

Prema vrsti prekršaja, najbrojniji su sljedeći prekršaji: prosjačenje (258 ili 57,8% od ukupnog broja), naročito drsko ponašanje (35 ili 7,8%), tuče (28 ili 6,3%) odbijanje naređenja i omalovažavanje policijskih službenika (26 ili 5,8%), svađa, vika, nepristojno ponašanje (10 ili 2,2%) i paljenje petardi (devet ili 2%). Takođe, evidentirana su 62 prekršaja iz kategorije ostali prekršaji i 18 prekršaja koji su regulisani Odlukom općinskih vijeća.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (426 ili 95,5% od ukupnog broja), a znatno manje u ugostiteljskim objektima – osam, u trgovinama i zanatskim radnjama – jedan i na ostalim mjestima 11 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEK DECEMBAR 2021/2020. GODINE

MJESTO IZVRŠENJA	decembar 2021.	decembar 2020.	+ - %
Ulica i drugi otvoreni prostor	426	2.575	-2149 ili 83,4%
Ugostiteljski objekti	8	8	isti broj
Sportski stadioni i dvorane	---	---	---
Škole (školska dvorišta)	---	---	---
Vozila javnog saobraćaja	---	---	---
Trgovinske radnje	1	369	-368 ili 99,7%
Ostala mjesta	11	30	-19 ili 63,3%
UKUPNO	446	2.982	-2536 ili 85%

U odnosu na isti mjesec 2020. godine, smanjen je broj prekršaja evidentiranih na ulici i drugim otvorenim prostorima za 2149 ili 83,4%, u trgovinskim radnjama za 368 ili 99,7%, na ostalim mjestima za 19 ili 63,3%, dok je broj prekršaja u ugostiteljskim objektima ostao isti.

Na području Kantona Sarajevo u mjesecu decembru 2021. godine održano je 160 javnih skupova (92 ili 135,3% više u odnosu na mjesec decembar 2020. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 36 slučajeva izvršeno je KDZ osiguranje.

3. SAOBRAĆAJ

Na području Kantona Sarajevo u mjesecu decembru 2021. godine registrovano je 679 saobraćajnih nezgoda (32 ili 4,5 % manje), od čega je 617 sa materijalnom štetom (33 ili 5,1 % manje) i 62. sa nastradalim licima (jedna nezgoda ili 1,6 % više).

U navedenim saobraćajnim nezgodama jedno lice je poginulo (u istom mjesecu prošle godine nije bilo poginulih lica), dok je 78 lica povrijeđeno (četiri ili 4,9 % manje) od čega 15 teže i 63 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU DECEMBRU 2021./20. GODINE

	decembar 2021.	decembar 2020.	uporedba
UKUPNO SAOBRAĆAJNIH NEZGODA	679	711	- 32 ili 4,5 %
Saobraćajne nezgode sa nastradalim licima	62	61	+1 ili 1,6 %
Saobraćajne nezgode sa materijalnom štetom	617	650	- 33 ili 5,1 %
POGINULO LICA	1	0	+ 1
- vozači	0	0	----
-putnici	0	0	----
- pješaci	0	0	----
POVRIJEĐENO LICA	78	82	- 4 ili 4,9 %
- vozači	41	53	-12 ili 22,6 %
- putnici	19	12	+ 7 ili 58,3 %
- pješaci	18	17	+ 1 ili 5,9 %

U naselju je registrovana 621. saobraćajna nezgoda (jedna sa poginulim, 57 sa povrijeđenim licima i 563 sa materijalnom štetom), van naselja 58 nezgoda (četiri sa povrijeđenim licima i 54 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU DECEMBRU 2021. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	11	46	563	621	1	14	60
van naselja		1	3	54	58		1	3
UKUPNO	1	12	49	617	679	1	15	63

Prema kategoriji puta, najveći broj saobraćajnih nezgoda registrovan je:

- na ulicama u naselju - 425 nezgoda u kojima je 39 lica nastradalo (jedno lice poginulo, 38 lica povrijeđeno, 13 teže i 25 lakše),
- na magistralnim putevima - 96 nezgoda u kojima je 16 lica povrijeđeno (dvoje teže i 14 lakše),
- na regionalnim putevima - 48 (pet lica lakše povrijeđeno),
- na lokalnim putevima - 40 (bez nastradalih lica),

- na putevima koji se ubrajaju u kategoriju ostalih - 70 nezgoda u kojima je 19 lica lakše povrijeđeno.

POSLEDICE SAOBRAĆAJNIH NEZGODA

Tokom mjeseca decembra 2021. godine, u saobraćajnim nezgodama na području Kantona Sarajevo 79 lica je nastradalo (tri ili 3,7 % manje). Jedno lice je poginulo (u istom mjesecu prošle godine nije bilo poginulih lica), dok je 78 lica povrijeđeno (četiri ili 4,9 % manje), od čega 15 teže (četiri ili 36,4 % više) i 63 lakše (osam ili 11,3 % manje).

LICA POVRIJEĐENA U SAOBRAĆAJNIM NEZGODAMA

Od ukupno 78 povrijeđenih lica u mjesecu decembru 2021. godine evidentiran je: 41 vozač (pet teže i 36 lakše), 19 putnika (četiri teže i 15 lakše) i 18 pješaka (šest teže i 12 lakše).

Starosna struktura nastradalih lica u saobraćajnim nezgodama je slijedeća:

- Ispod šest godina - četiri lica,
 - od 6 do 17 godina - pet,
 - od 18 do 20 godina - pet,
 - od 21 do 24 godine - sedam,
 - od 25 do 30 godina - 14,
 - od 31 do 40 godina - 15,
 - od 41 do 50 godina - 10,
 - od 51 do 65 godina - 14,
 - 66 i više godina - pet lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - pet,
- od 23 do 30 godina - 12,
- od 30 do 40 godina - devet,
- od 40 do 50 godina - šest,
- od 50 do 60 godina - sedam,
- 60 i više godina - dva lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 584 (jedno lice poginulo, 63 lica povrijeđena, 14 teže i 49 lakše),
- neprilagođena brzina - 91 (15 lica povrijeđeno, jedno teže i 14 lakše),
- uticaj alkohola - tri (bez nastradalih lica),
- oštećenje puta - jedna saobraćajna nezgoda (bez nastradalih lica).

Evidentirano je 16 saobraćajnih nezgoda (11 više), u kojima su učestvovali pripadnici MUP-a (15 saobraćajnih nezgoda u kojima su učestvovali pripadnici MUP-a Kantona Sarajevo i jedna nezgoda u kojoj je učestvovao pripadnik FMUP-a). U navednim nezgodama nisu evidentirana nastradala lica. Takođe evidentirano je 28 saobraćajnih nezgoda (14 više) u kojima su učestvovali inostrani vozači i dvije saobraćajne nezgode (isti broj) u kojima su učestvovala vozila međunarodnih organizacija (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca decembra 2021. godine, policijski službenici Uprave policije MUP-a Kantona Sarajevo kontrolisali su:

- 19.961. vozilo i vozača (4.612 više),
- 4.548. lica u vozilima (164 više),
- pregledali 449 vozila (194 više) i 357 lica u vozilima (346 više).

Zbog tehničke neispravnosti iz saobraćaja je isključeno 60 vozila (29 više), 422 vozača su zatečena da upravljaju vozilom pod dejstvom alkohola (316 više), 536 bez korištenja sigurnosnog pojasa (289 više), 155 bez položenog vozačkog ispita (pet više), 54 pod izrečenom zaštitnom mjerom (četiri više), 313 vozača je zatečeno da koriste mobitel tokom vožnje (22 više) i 1.244 vozila koja su učestvovala u saobraćaju bez važeće registracije (827 više).

Zbog kršenja propisa iz oblasti sigurnosti saobraćaja uručeno je 20.448 prekršajnih naloga vozačima (5.146 ili 33,6 % više u odnosu na decembar prošle godine) i podnesena 242 zahtjeva za pokretanje prekršajnog postupka (101 ili 29,4 % manje).

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca decembra 2021. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 11.027 prekršajnih naloga (4.310 više), upozoreno je 210 vozača (18 manje), a specijalnim vozilom "pauk" premješteno je 268 vozila (184 više). Takođe, pješacima koji su kršili propise uručeno je 79 prekršajnih naloga (65 manje), a upozoreno je 20 pješaka (11 manje).

ZAKONITOST U RADU

Tokom mjeseca decembra 2021. godine, registrovana su tri pojedinačna napada (četiri manje) na policijske službenike Uprave policije MUP-a KS. U napadima su učestvovala tri punoljetna lica koja su lišena slobode, među kojim je jedan migrant.

Takođe, u mjesecu decembru 2021. godine registrovan je jedan slučaj opravdane upotrebe sile: dva policijska službenika Druge PU su upotrijebili fizičku silu i sredstva za vezivanje.

Razmatrano je 30 predstavlki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 12 predstavlki (tri manje) provede unutrašnja istraga, za 17 predstavlki je odlučeno da se izvrše provjere i prikupi dokumentacija, a jedna predstavka da je nesnovana.

Od 30 razmatranih predstavlki, 26 je podneseno od strane građana, dok četiri predstavke predstavljaju saznanja iz službe.

Okončano je 14 unutrašnjih istraga, od čega je šest osnovanih, pet je bilo bez dovoljno dokaza, dvije predstavke su neosnovane, dok je u jednom slučaju postupak obustavljen.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja što bolje saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama. Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Između ostalog izdvajamo slijedeće realizovane aktivnosti:

- U cilju prevencije i podizanja svijesti o opasnosti upotrebe pirotehničkih sredstava, realizovane su edukativne radionice na temu: „Zloupotreba pirotehničkih sredstava“ za 663 učenika osnovnih škola na području Kantona Sarajevo;
- Nastavljena je realizacija projekata: „Program socijalizacije s pravom“, „Jačanje tužilačkih kapaciteta u sistemu krivičnog pravosuđa u BiH“, „Policija prijatelj škole“, kao i edukativne radionice na teme: „Djeca u saobraćaju“, „Cyberbulling“, „Stop međuvršnjačkom nasilju“, „Prevencija korupcije“, „Stop drogama“, za učenike osnovnih i srednjih škola na području Kantona Sarajevo.

Takođe, konstantno je vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakta sa dežurnim medicinskim osobljem, poboljšanja saradnje, razmjene informacija, sprečavanja narušavanja javnog reda i mira, a sve u cilju prevencije i sprečavanja širenja pandemije „Korona virus“.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 1.372 migranata.

U mjesecu decembru 2021. godine migranti su učestovali u tri događaja sa obilježjem krivičnog djela i to:

- teška tjelesna ozljeda (čl. 172 KZ FBiH),
- ugrožavanje sigurnosti (čl. 183 KZ FBiH) i
- oštećenje tuđe stvari (čl. 293. KZ FBiH).

Tokom mjeseca decembra 2021. godine, policijski službenici proveli su ukupno sedam akcija, kontrolisali su 127 migranata, od čega 19 nije posjedovalo registracijski obrazac, 17 je predato službi za poslove sa strancima radi registracije i 25 migranata je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC DECEMBAR 2021. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.372
UKUPAN BROJ KONTROLISANIH MIGRANATA	127
BROJ MIGRANATA LIŠENIH SLOBODE	1
BROJ KRIVIČNIH DJELA POČINJENIH OD STRANE MIGRANATA	3
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	6
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	7
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	42

Sarajevo, 12.01.2022. godine

Odjeljenje za odnose s javnošću